



新刊臨川王荆公先生文集卷之五十五

外制

彭彞特授祕書省校書郎制

鄭珪瀛州司戶叅軍制

劉元規通利軍司法顧立守漢陽軍司理李伯

英永州錄事叅軍制三道

張宗臣亳州司法韓伯莊海州東海縣尉兼主

簿王祁青州益都縣主簿王景先守常州

宜興縣主簿李資維州北海縣主簿制五

道

皇姪宗懿改郢州防禦使邢王孫宗望舒州防

禦使餘如故制二道

呂溱吏部郎中蕭固司封負外郎陳昭素都官  
負外郎制三道

陳憲臣孫夷甫也田負外郎安保衛都官負外  
郎制三道

王起太常博士沈扶國子博士制二道

王拱巳太常博士沈士龍祕書丞制二道

任慶之大理寺丞趙僅改大理寺丞制二道

劉起西京左藏庫副使郭慶基將作監主簿制  
二道

張及孫復舊官制

徐并奉禮郎周延年光祿寺丞制二道

李瑋安州管内觀察使制

蕭注奉寧軍節度副使不簽書本州公事制

蕭注責授團練副使制

張師正落刺史依舊儀鸞使制

宋安道落巴州刺史制

宋安道責授衛州團練副使不簽書本州公事  
制

王用內殿丞制劉舜臣禮賓副使制二道

崔懷忠內殿丞制胡東之守祕校制二道

張慶隨右替善大夫餘如故制

彭士方容州別駕張銳守荆南府參軍制二道  
周大亨密州司馬制

余靖蔡襄奏醫人王沂李端試四門助教制二道

程戡胡宿范鎮奏醫人房用和夏日宣王獻臣  
四門助教制三道

歐陽脩趙鼎奏醫人夏日華武世安試國子四  
門助教制二道

馬懷德遺表吳 試將作監主簿制

何郊奏謝愈試四門助教制

仇鼎充翰林醫官副使制

周元亨成都府溫江縣主簿陳旦利州司戶參  
軍依前充職制二道

魏昭永恩州錄事楊忠信吳安期何惟慶並特  
授將仕郎制二道

袁士宗守蓬州蓬山縣 薄衛進之青州司戶  
參軍張歸一李汶並開州開江縣主簿制  
三道

王亨鄭州司馬莊詡青州壽光縣尉制二道

魏貫充中書守闕主事張世良中書錄事制

李懷職秦宗古遂州司戶參軍制

周成務金吾衛長史制

呂昭序常州宜興縣尉袁舜鄉濰州北海縣尉  
邊士寧青州益都縣尉制三道

郭餘慶應州金城縣主簿張文仲蓬山縣主簿  
依前充職制二道

魯公亮奏句當人趙化基制

青州奏張贊獨孤用和年一百一歲並本州助  
教制

安化中下州北遐鎮蠻人一百一十人並銀酒  
監武制

壽州稅戶李仲章李仲淵本州助教制  
宿州市戶朱億第傑本州助教制

空名助教并試監簿制

建州敦遣進士彭彝特授將仕郎祕書省校  
書郎制

勅某朕惟衆科不足以盡天下之士故因赦令而委諸路  
以特招爾以守節見稱而論議亦嘗試矣賜之一命使力  
行者有勸焉往其增修以稱茲舉可

新授齊州章丘縣尉鄭珪瀛州司戶參軍制

勅某爾嘗爲大臣所稱當得遷序自求一掾往事上州其  
慎猷爲以膺器使可

御前五經及第劉元規通利軍司法參軍制

勅某朕雖趣時爲法而其義亦考於經爾以經術決科而

試於法吏勉思所誦尚有合哉可

勅賜同進士出身顧立守漢陽軍司理參軍制

勅某爾經明行潔特見推揚考覈以言有足稱者試諸獄  
掾其往懋哉可

高州茂名縣尉兼主簿李伯英永州錄事參軍  
兼司戶參軍制

勅某小人當平歲為盜爾職當捕而能得之甄叙厥勤國  
有常法往就祿次勉圖後功可

御前尚書學究及第張宗臣亳州司法參軍制  
勅某爾少而知學能以決科今也成人遂從官政往共厥  
事可不勉哉可

御前三禮及第韓伯莊海州東海縣尉兼主簿制

勅某爾幼而知學能以決科今也成人往其從政有猷有  
守惟慎厥初可

勅賜同進士出身王和試祕校守青州光都縣主簿制

勅某察行於鄉里考言於朝廷而試之以事此自古所以  
能得士也今汝言行皆見稱引姑使佐于大縣以觀從政  
之材無曰民寡亦可以有為矣可

太廟齋郎黃景先守常州宜興縣主簿制

勅某爾考以使事沒身於瘴癘故爾得序於有司往踐一  
官其思所以保祿位而無失前人義方之訓可

李資維州北海縣主簿制

勅某爾父以身死制而加爾以一命之榮今又以爾母有言而使得佐于大邑能以忠順保其祿位而守其祭祀者士之孝也往其祗服可不勉哉可

皇姪信州團練使宗懿改郢州防禦使制

勅原罪青振滯淹朝廷之慶施及乎遠者矣又況於宗室之近哉具官某於服屬為親於爵列為貴造行不能無情以自困於煩言肆祀之恩與人更始滌其前吝寵以故官往思自修保此榮祿可刑王孫右武衛大將軍道州團練使宗望舒州防禦使餘如故制

勅朝廷爵賞與士共之親愛之欲其富貴亦先王之道也具官某序于近戚服在顯官嘗坐小何自今久次能補前

各歷年茲多往以序遷勉緩寵祿可

未復舊官人兵部員外郎知池州呂溱吏部郎

中制

勅某朕初即位原咎青振廢淹爾為先帝近臣以才敏諫直稱天下嘗坐吏議又於左遷稍復故官往其祗訓可

追官人前司封員外郎蕭固司封員外郎制

勅某宗祀之慶外覃四海況於嘗任事之臣哉爾備使南方實以才選擇于吏議用失厥官錫命示恩往其祗服可

追官人前都官員外郎陳昭素都官員外郎制

勅某爾嘗更任使而以才稱於世陷于吏議失職又矣再更赦令稍復故官夫士有智能固不可以一青而終廢惟

慎厥後以須選求可

陳憲臣屯田員外郎制

勅某爾嘗坐法用失厥官宗祀之成推恩博矣復爾祿次  
往其欽哉可

孫夷甫屯田員外郎制

勅某爾嘗坐譴何再更赦宥能自節勵以補厥愆序進一  
官往其祗服可

安保衡都官員外郎制

先帝有事明堂而大賚于四海爾嘗在郎選困於一青膺  
此慶施序遷厥官往其慎哉以服休命可

未復舊官人殿中丞王超太常博士制

勅某爾桂文吏之議以失職久矣朕方推慶賜以勞  
天下䟽逖幽賤並膺厥服矧爾智謀績用為世所稱  
而特困於一青之細哉其還故官以勸能者可

追官勒停人國子博士沈扶國子博士制

勅某士之可用者朕不以一青而忘之也又況於以才任使而特以薦  
士焉累哉爾行義智能有聞于家久於使事績效可稱任非  
其人以坐廢斥宗祈之慶覃及萬方甄序厥官往惟祗服可

追官人前太常博士王拱已太常博士制

勅某爾以舉非其人而久坐斥廢宗祈之慶資及萬  
方復爾故官往其祗服可

追官人著作佐郎沈士龍祕書丞制



勅某嘗棄其官守而生廢于家今宗祀之恩使之免者多復用矣況如爾之得舉特以有志於善手其就故官以須器使可

未復舊官人檢校水部員外郎懷州團練副使任慶之大理寺丞制

勅某爾嘗謹何比更赦宥序進厥位往其慎哉可

未復舊官人光祿寺丞趙瑾改大理寺丞制

勅某爾造行不謹陷于法理比更赦宥復序故官謀惟歿終無重前悔可

特勒停人前西京左藏庫副使劉起西京左藏庫副使制

勅某宗祈之慶覃及萬方爾嘗以才選典領煩事不知淑慎以祗厥愆恩復故官往其祗訓可

特勒停人試將作監主簿郭慶基將作監主簿制

勅某宗社之恩外覃四海爾嘗坐法用廢于家復即故官其知慎矣可

特勒停人前守將作監主簿張及孫復舊官制

勅某爾嘗坐斥免既更赦令其班新命使就故官惟慎以遠罪而敏於赴功則足以補前負矣可

追官人徐并太常寺奉禮郎制

勅某朕初即位布大號於天下爾比以罪負久於廢斥既

更赦宥當序一官夫士之嘗有譴尤而後以才復為世用者衆矣徃其淑慎以待異恩可

特勒傳人光祿寺丞周延年光祿寺丞制

勅某爾坐廢于家為日久矣宗祈之慶復就故官徃慎厥修以須聖使可

建州管內觀察使李瑋安州管內觀察使制

勅釐事既成慶流宇內簡于朕志當有異恩具官某以元舅之家膺下嫁之選飭身厲行休顯有稱嘗坐譴何外更藩屏付之舊節使得造朝徃服寵榮愈其慎也

檢校水部員外郎充秦州團練副使不簽書木州公事蕭注依前檢校水部員外郎充奉寧軍

節度副使不簽書本州公事制

勅某朕初即位肆大青以勞天下爾嘗為邊將以罪失職稍遷位號徒置大邦夫士之有能固不以瑕釐而終廢徃其修省以服異恩可

蕭注責授團練副使制

勅某爾以州縣尺寸之功未閱數暮而官顯祿厚遂專一州之寄當思勦力以稱所待遇乃公為姦汗不忌邊禁以至擅發丁壯采金蠻夷侵騷邊人廢業失職無鈞考之檢有盜攘之嫌朕惟遠方羈縻之義不欲重為煩擾故寧失爾罪惡而不卒究窮副干團練之軍宜諸安閑之地其思自訟以服寬宥之恩焉可

儀鸞使英州刺史張師正落刺史依舊儀鸞使制

勅某人道貴讓而以巽為利者武人之正也朕以爾材諳為能治邊故超進使號又擇令名之州使爾刺焉而共其舊服當知竭力報稱所蒙而乃缺望鄙垂臬於慢上自干邦法以致人言稍褫前恩尚附輕典往其修省思補厥愆可

皇城使巴州刺史宋安道落巴州刺史制

勅某等班祿所以勸能制罰所以懲事爾等執技備官久矣一有所試而其效皆無可言竊位素餐之罪法不可以無懲也稍從降絀示有典刑往其深省厥愆以稱食功之

意可

皇城使宋安道責授檢校水部員外郎充衛州團練副使不簽書本州公事制

勅某爾等以醫入侍先帝疾殆至於弗寤而皆莫能知居其官而不能與食焉而怠其事皆法刑之所當施深惟先帝之仁故不忍加誅而宥爾等于外顧省厥罪往其戒哉可

追官人文思副使王用內殿承制亡

勅某爾嘗犯禮以失厥官宗祀既成均休宥罪序于廷內其往慎哉可

未復舊官人劉舜臣禮賓副使制

勅某爾嘗為州坐法以免既更新令未即故官寵以命書  
介于諸使惟慎厥後以稱恩榮可

追官人前供備庫副使崔懷忠內殿承制也

勅某朕聞士大夫或以一青之故弃而不錄故常因赦令  
使得復序厥官爾父以才能外更任使雖嘗廢免有足哀  
矜列職內朝徃其祗服可

特勒停人守祕校胡東之守祕校制

勅某爾嘗坐小何既更大慶徃就祿次以須器使朕於用  
士固不以一青而廢材惟敏厥修以求終譽可

堂後官大理寺丞張慶隨右贊善大夫餘如故  
制

勅某爾職為宰屬名在理官祗承福庇至于三歲進官一  
等方籍於朝徃其懋哉是亦榮矣可

石班殿直彭士方容州別駕制

勅某爾為小吏自致廷臣能稱厥修至于告老列職州佐  
以為歸榮可

攝荆南文學張銳守荆南府參軍制

勅某等異時設科以待武力智謀之士而爾等實應令焉  
嘗攝一官既更新令稍即序錄其徃勉旃可

單州文學周大亨密州司馬制

勅某爾不勉厥修以取罪廢既更赦令復齒官聯善補悔  
尤尚有終譽可

廣南東路經略安撫使余靖奏高郵軍醫曹傳王  
沂試國子四門助教不理選限制

勅某爾以方伎有聲淮南今方維按撫之臣以爾自隨而  
請加一命爾宜知夫名之不欲以假人也而能慎行以稱  
焉可

蔡襄奏醫人李端試國子四門助教不理選限  
制

勅某爾從事於醫久矣而吾左右親信之臣稱爾之行能  
請一命焉厥有故常以為爾寵其思淑慎以稱褒嘉可

程戡奏延州醫助教房用和國子四門助教不  
理選限制

勅某延州鎮撫一方而將吏皆吾扞城之用爾共醫事莫  
府所稱甄序以官往祗厥服可

胡密奏醫人夏日宣試國子四門助教不理選  
限制

勅某夫論思勤講之臣實吾耳目腹心之賴而爾能執技  
調護其家請卹于朝以為爾寵吾其錫爾往矣勉哉可

范錫奏成都府醫人王獻臣試國子四門助教  
不理選限制

勅某爾有邦人為吾所待稱爾嘗學尤良於醫序試一官  
往其祗服可

歐陽修奏醫人夏日華試國子四門助教不理

選限制

勅某天下安危治亂其責在乎政事之臣責之如此其深則遇之豈可以不厚故其有求於上吾皆听許而不違今脩以爾能醫而為之請命吾其加錫以示不違於大臣爾往愆哉當知夫名不可假可

趙傑奏醫人武世安試國子四門助教不理選限制

勅某古者聖人為醫藥以濟民命而又建官制祿考其所治之全失而上下以勸焉其於愛人也深矣爾能執技以濟衆而見稱於大臣使試一官以為爾勸其思勉勵以稱優加可

贈安遠軍節度使馬懷德遺表門客吳夏試將作監主簿不理選限制

勅某懷德嘗將衛兵而其卒也求官其客觀爾所主以知爾材往試一官勉思自稱可

河東都轉運使尤圖閣直學士何郊奏梓州醫博士謝愈試國子四門助教不理選限制

勅某爾以方技自名為邇臣所薦其於行執必有可稱俾試一官以為爾寵可

殿中省尚藥奉御直醫官院仇鼎充翰林醫官副使制

勅某古者視疾醫之全失而上下其食所以明沮勸也爾

以技事上久而有勞遷序厥官往欽無斁可

李士院孔目官梓州司戶參軍周元亨成都府

溫江縣主簿制

勅某爾服采禁林有勞可錄宗祈之慶外序一官往慎典刑保茲祿仕可

昭文館正名守當官陳旦利州司戶參軍依前

充職制

勅某朕初即位大賚四海爾役于書林久矣序官州掾往慎厥修可

朝堂知班引禁管遊擊將軍守右金吾衛長史

魏昭永恩州錄事參軍制

勅某宗祀之成並蒙禔福爾備贊朝事有年於此矣出長州掾往其勉哉可

朝堂正名知班驅使官楊忠信吳安期何惟慶

並特授將仕郎制

勅某爾等駿奔于朝以給煩使致勤厥職爰及再期甄序一官往共舊服可

都省正名驅使官袁士宗守蓬州蓬山縣主簿

依前充職制

勅某爾以勤服承積有歲年外序一官往共初服守爾祿次厥惟慎哉可

中書守當官鄆州司戶參軍衛進之青州司戶

參軍制

勅某爾給事相府服勤歲久因特慶賜求得外遷往掾大州勉其厥服可

朝堂知班驅使官張舜一李文並開州開江縣主簿依前充職制

勅某等爾駿奔走以給朝廷之事久矣有勞可錄序以一官往懋厥勤乃其無罰可

三司開折司守關前行滑州別駕王亨鄭州司馬制

勅某爾實掌書以佐計官之治老而知止予念爾勞司馬于州往惟祗服可

學士院勸留官遂州司戶參軍莊詡青州壽光縣尉制

勅某宗祈成禮覃澤萬方駿奔之吏遷有常法序爾一尉往其勉哉可

中書錄事守成都府別駕魏貫游擊將軍充中書守闕主事守大名府別駕張世長中書錄事制

勅某等隸名中書能自祗飭今吏負有闕故迂以補之往懋厥勤無瘵于職可

客省承受李懷曦秦宗古遂州司戶參軍制

勅某宗祀之恩覃於小吏爾服勤久矣宜序一官往勵厥



修以共舊服可

浴室五院副行首左千牛衛長史周成務金吾衛長史制

勅某等役于宰屬積歲有勞升秩衛官序遷職服往共歛事惟既乃心可

浴室五院正名驅使官鄭州司戶參軍呂昭序

常州宜興縣尉制

勅某爾以州掾之名而役于宰屬豫蒙慶施當得外遷往惟廉清可以保祿可

祕閣選滿指書充編修院權書庫官袁舜卿涪州北海縣尉制

勅某掌書曩事積歲有勞甄序一官往其祗服可

尚書都省額外正名年滿令史邊士寧青州益都縣尉制

勅某爾以書贊治積歲有勞請命于朝序官一尉往共厥職無敢弗祗可

太常寺太樂署院官郭餘慶應州金城縣主簿制

勅某爾隸于太常久矣吏負有闕當得進遷命以一官往其祗服可

石街司正名孔目官張文仲蓬州蓬山縣主簿依前充職制

勅某祗載厥職於今十年稽狀有司序于官簿徃共舊服  
無棄前勞可

吏部侍郎平章事魯公亮奏旬當人趙化基制  
勅某朕布神之惠而陪隸與焉爾服厥勤受茲甄錄名者  
先王所慎以與人者也徃思淑慎以稱之可

青州奏壽光縣豐城村張贊獨孤用和各年一  
百一歲並本州助教制

勅某人壽至於百年則閱天下之故多矣寵以官號使助  
守令教馴百姓豈不宜哉爾實應書徃其欽服可

安化中下州北遐鎮蠻人一百一十人並銀酒  
監武制

勅某聲教所覃爾惟祗服克有名位榮于種落又輸方物  
來效厥勤其錫異恩以嘉能享可

壽州稅戶李仲宣李仲淵本州助教制

勅某淮人阻飢朕欲調餼爾能輸米來助有司賞以一官  
徃其祗服可

宿州臨渙縣柳子鎮市戶進納斛斗人朱億第  
傑本州助教制

勅某調恤阻飢朝廷之政爾能輸積以助有司褒賜一官  
徃其祗服可

空名助教並試監簿制

勅某河水衍溢且為民蓄爾能輸薪以佐有司之急加爾

以試官之官其思慎行以稱焉可

新刊臨川王荆公先生文集卷之五十五終

新刊臨川王荆公先生文集卷之五十六  
表

百家賀復熙河路表

賜玉帶謝表

詔進所著文字謝表

進熙寧編勅表

賜元豐勅令格式表

賜弟安國及弟謝表

除弟安國館職謝表

除零方中允崇政殿說書謝表

除零方正言待制謝表

進宇說表

進洪範表

進修南郊勅式表

除知制誥謝表

知制誥知江寧府謝上表

除翰林學士謝表

賜衣帶等謝表

勅設謝表

百寮賀復熙河路表

臣某等言伏覩修復熙河洮泯豐宕等州幅員二千餘里  
斬獲不順蕃部一萬九千餘人招撫大小蕃族三十餘萬

各降附者奮張天兵開斥王土旌旃所指燕及氏羌樓櫓  
相望誣彌河隴中賀縞以三年鬼方之伐高宗所以濟特  
六月徽猷之征宣王所以復古政由人奉道與世升伏惟  
皇帝陛下溫恭而文睿知以武講周唐之百度拔方堯於  
一言我陵我阿既飭鷹揚之旅突墉突壑遂平烏虜之戎  
用夏變夷以今準古是基新命厥邁往圖臣等均被明恩  
具膺榮祿接千歲之統適遭會於斯時上萬年之觴敢愆  
忘於故事臣無任

賜玉帶謝表

臣某言伏蒙 聖恩以收復熙河洮岷豐宕等州特加褒  
諭親解玉帶賜臣者尸臣列侍方臨極辨之朝誓御占傳

獨拜非常之賜完綏狎至懇避弗俞焜耀有加凌兢無措  
中謝竊以洮河之業兆自聖謨方虎之材進非師錫片言  
投輒遂察見其有孚衆訛盈庭豫照知其無肯以至緩兵  
筭食鬼卒第功能畢協於始謀實仰歸於獨斷如臣最爾  
何力有焉伏惟 皇帝陛下善貸且成勞謙不伐弛曠瘳  
之大責錄將明之小忠揚于廣除委以珍御瑟彼英瑤之  
質煥乎華袞之言臨授用光顧榮踰於古昔退藏惟謹知  
燕及於雲來施更厚於解衣報敢忘於結草臣無任

詔進所著文字謝表

雲漢之光俯加賁冒管廟之賤仰誤詢求中謝臣聞百王  
之道雖殊其要不過於稽古六藝之文蓋缺所傳猶足以

範民唯其測之而彌深故或習矣而不察紹明精義必屬  
昌時伏惟 皇帝陛下有舜之文明有湯之勇智以身為  
度動皆應於乾行肆筆成書言必稽於聖作欲推闡先王  
之大道以新美天下之英材宜得醇儒使陪休運臣初非  
秀穎衆謂迂愚徒以弱齡粗知強學服膺前載但傳糟粕  
之餘追首大方豈逮室家之好過叨虜獎使緝舊聞求惟  
少作可弃之浮辭豈能上副旁搜之至意伏惟 皇帝陛  
下矜其聞道之晚假以歷時之淹使更討論粗如成就然  
後上塵於聰覽且復取決於聖裁庶收寸長稍副時用臣  
無任

進肥寧編勅表

臣某等言竊以觀天下之至動而御其時輔萬物之自然而節其性匿而不可不為者事麤靡而不可不陳者法厥惟無弊乃以不膠故造象於正月之始和改祀以五載之巡符一代之典成於緝熙百世可知在所加損方裁成輔相之休運宜修飭潤色之誰能顧匪其人與於此選中謝蓋聞道有升降政有弛張緩急詳略賾而已使民不倦唯聖為能伏惟 皇帝陛下天德地業躋堯顛禹永念憲禁之舊或失防範之中選建有官付之論定具慙淺學莫副詳延屢彌歲年僅就篇帙刪除煩複蒐補闕遺於趣時因民則粗抹抗敵之實以方古垂後則或俟新美之才冒昧大威姑塞明詔

賜元豐勅令格式表

臣某言伏蒙 聖慈特賜臣元豐勅令格式一部計四十

策者新厥品章著之方冊雖孤眷寄尚冒分頒中謝竊以

后群之所訓裁臣工之所承守歷觀既往或仍踳駁之餘

緒正厥遺實待緝熙之久恭惟 皇帝陛下操天縱之智

御物昌之時矧法於群幾之先收功於異論之後慮無銜

素奉必要終然趨變以制宜或非初令則取新而垂裕宜

有成書神機俯授於有官聖制遂獲於無極部居彪列科

指晰分雲漢之回甚昭日月之照方久臣進陪國論退即

里居在昔討論嘗負曠療之責於今尊閣更知被受之榮

臣無任

賜弟安國及分謝表

臣某言伏蒙 聖恩召試臣弟安國賜進士及第注初等  
職官者僕義之求外覃草野龍光之施首逮門庭中謝竊  
以躬國論聽斷之煩而察知孤遠之行略門資貢奉之法  
而按取滯淹之才山林之所誦說而難遭間巷之所驚嗟  
而罕見伏惟 皇帝陛下協德穹昊比明義皇傳臨四方  
洞照萬物如臣同產為世時人少遭閔凶自奮寒苦雖強  
孝力行粗有時名而少偶寡徒幾絕榮望豈期聖聽俯及  
幽潛遂使窮途坐階華寵獎以詔書而試藝賜之科第而  
命官祿不逮親既永乖於養志仕非為已當共誓於捐軀  
臣無任

除弟安國館職謝表

臣某言伏蒙 聖恩以臣弟安國充崇文院校書者書林  
置職方儲高位之材詔板推恩遂假私門之寵在於班賤  
實以兢慙中謝伏念臣初起孤生非謀職仕中參近侍特  
倚先朝屬憂患之相仍分湮淪而自棄敢圖收召俯暨幽  
潛股在臣鄰驟冠論思之列恩加子弟具膺慶賞之延有  
昧冒於殊私或超踰於常法惟數竒之同產嘗父困於稠  
人第冊西垣比前叨於睿獎校文東觀更曲被於明揚此  
蓋伏遇 皇帝陛下與善無方便能以類欲阜成於大治  
務博取於衆材遂忘形迹之嫌以溥龍光之施衰宗既亢  
唯知上報之難小已易盈彌懼先顛之疾臣無任

除零中允崇政殿說書謝表

臣某言伏蒙 聖恩授臣男雱守太子中允充崇政殿說書尋具劄子辭免蒙降詔書不允者恩驟加於私室多所超踰事或累於公朝誠難昧冒仰煩睿訓曲喻至懷永惟眷獎之殊實重兢慙之至 中謝伏念臣首叨召節得侍辭林隨被贊書使陪經幄稍更歲月莫補涓埃竊觀上智之日躋內訟淺聞而知困况如賤息厥有童心尚迷鑽仰之方豈稱招延之禮恕已量主非敢以私而自嫌為官擇人顧雖成命而宜改輒布可辭之義上干難犯之威伏蒙 皇帝陛下屈體優容垂精寵答謂大人照臨之道廣當養以蒙意小夫誦說之智專遽忘其賤褒稱備厚訓飾加嚴

揣實未安竊願有惡重念自古君臣之相與未有如臣父子之所遭蓋嘗用儒之時尤難講藝之職典謨方御實參備於討論謔誓未終已繼叨於獎擢獲世官於閭巷嗣家學於朝廷自非忘軀何以報國知人而官以哲慨已誤於明揚委質而教之忠堙永肩於素守臣無任

除零正言待制謝表

臣某言伏奉 聖恩除臣男雱右正言天章閣待制兼侍講特降中使宣諭令便受告勅不須辭免者乎號明恩實由中出美官要職弗以次加知榮耀之及私顧僭差而累國雲天在望冰炭交懷中謝臣出於羈窮好是拙直道常違俗宜芻狗之致妖才不逮人何蠶蠅之能化 皇帝陛



下收之末路付以繁機距滔天之衆諤責經世之來效施  
及賤息度越稠人延登朝行使嗣講業方仰陪於膝席俄  
中廢於甞蕩雖進趨之礼又妨而問勞之恩狎至莫知報  
稱但負兢慙豈意眷憐更加超擢待制之爲職以陪侍禁  
嚴正言之爲官以諫救遺失承金華之舊李親玉色於燕  
朝併叨殊私甚駭群聽此盖伏遇 皇帝陛下攬取同智  
無小大之遺搜揚衆材無久近之間苟或不肖聚嘗有聞  
必垂甄收以示勸獎四方之訓于我無競維人多士之生  
斯時不顯亦世求惟遭值孰與等夷君臣以事道相求是  
惟希世父子以傳經見用鮮或同時雖愧皐陶濟美之材  
敢忘孤突教忠之義臣無任

### 進字說表

臣某言竊以書用於世久矣先王立學以教之設官以達  
之置使以喻之禁誅乱名豈苟然哉凡以同道德之歸一  
名法之守而已道衰以隱官失孝廢循而發之實在聖時  
豈臣愚懂敢逮斯事 中謝盖聞物生而有情情發而爲聲  
聲以類合皆足相知人聲爲言述以爲字字雖人之所制  
本實出於自然鳳鳥有文河圖有畫非人爲也人則效此  
故上下内外初終前後中偏左右自然之位也衡秉曲直  
耦重交析反缺倒仄自然之形也發歛呼吸抑揚合散虛  
實清濁自然之聲也可視而知可聽而思自然之義也以  
義自然故僊聖所宅雖殊方域言音乖離點畫不同譯而

通之其義一也道有升降文物隨之時變事異書名或改  
原出要歸亦無二焉乃若知之所不能與思之所不能至  
則雖非即此而可證亦非舍此而能尋蓋唯天下之至神  
為能究此伏惟 皇帝陛下體元用妙該極象數稽古勅  
法紹天覺民乃惟茲學墮缺弗嗣因任衆智微明顯隱蓋  
將以祈合乎 神旨者布之海內衆妙所寄窮之穴雖而  
臣須御 燕間親承訓勅抱病負憂父無所成雖嘗有獻  
大懼冒浼退復自力用忘疾備咨諏討論博盡所疑冀或  
消塵有助深崇謹勒成字說二十四卷隨表上進以聞臣  
某誠惶誠懼頓首頓首謹言

進洪範表

臣某言臣聞天下之物小大有彛後先有倫叙者天之道  
叙之者人之道天命聖人以叙之而聖人必考古成已然  
後以所嘗學措之事業為天下利苟非其時道不虛行中  
謝伏惟 皇帝陛下德義之高術智之明足以黜天下之  
鬼瑣而與其豪傑以圖堯禹太平之治而朝廷未化海內  
未服綱紀憲令尚或紛如意者殆當考箕子之所述以深  
發獨智趣時應物故也臣嘗以蕪廢腐餘之卒得備論思  
勤講之官擢與大政又弥寒暑勲績不效俛仰甚慚謹取  
舊所著洪範傳刪潤繕寫輒以草芥之微求裕天地臣無  
任

進修南郊勅式表

郊立事重筆削才難猥以微能叨承遴選中謝蓋聞孝以配天爲大聖以饗帝爲能越我百年之休明因時五代之流弊前期戒具人輒爲之騷然臨祭視成事或幾乎率爾蓋已行之品式曾莫紀於官司故國家講燎禋之上儀而臣等承撰次之明詔追茲彌歲僅乃終篇猶因用於故常特刪除其紛冗恭惟 皇帝陛下體聖神之質志文武之功嘉與俊髦靈承穹昊物方鬯茂以薦信而無慙人且昭明知因陋之爲恥固將制禮作樂以復周唐之舊豈終循誦習傳而守秦漢之餘則斯書也譬吳輅之椎輪與明堂之營窟推本知變實有考於將來隨時施宜亦不爲乎無補臣無任

除知制誥謝表

臣某言今月初二日伏蒙 聖恩賜臣誥勅除臣知制誥者高華之選欲報常艱固陋之身以榮爲懼中竊以自昔招智能之士因使爲侍從之官豈特賴其虛名謂能華國蓋將收其實用相與致君矧號令文章之爲難而討論潤色之所寄苟失職不稱則爲時起羞伏惟 皇帝陛下躬上聖之姿撫乂安之運趣時有救弊之急守器有持盈之難當得俊良使陪遺忘則典司明命出入禁門一有瘵官尤爲累上臣羈單賤士樸鄙常人仕初有志於養親孝遂不專於爲己比更煩使稍竊謬恩內懷尸祿之慙仰負食功之意又蒙採擢以致超喻蓋君之視臣不使同犬馬之

賤則下之報上亦欲致岡陵之崇況臣少習藝文粗知名  
教遭逢一旦度越衆人唯當盡節於明時豈敢尚懷於私  
計臣無任

知制誥知江寧府謝上表

稽違詔令經涉歲時 先帝登遐既不獲奔馳道路陛下  
即位又未嘗瞻望闕廷所憂後至之刑誅敢冀就加於官  
使雖知龜勉尚懼顛隕中謝蓋聞因任以責群材原省以  
通衆志厥或抱能而可用則雖負疾而見容如臣者逮侍  
先朝叨官外制惓惓許國雖有愚忠沒沒隨人但尸榮祿  
銜哀去位嬰疾弥年望絕寵光分授冗散伏遇 皇帝陛下  
下紹膺尊極俯燭幽微延之以三節之嚴付之以十城之

重比綠裡祀特有褒封申命曲加因郵併賜唯是土風之  
美素無犴獄之煩又寄託於丘墳粗諳知其間里念雖閉  
閤始弗廢於承流以比造朝或未妨於養疾矧恩勤之已  
迫且遜避之不容敢不少嘗體力之所任祇奉詔條而爲  
治冀逃大戾仰稱殊私臣無任

除翰林李士謝表

臣聞人臣之事主患在不知學術而居寵有味胃之心人  
主之畜臣患在不察名實而聽言無惻但之意此有天下  
國家者所以難於任使而有道德者亦所以難於進取也  
李士職親地要而以討論諷議爲官非夫遠足以知先王  
近足以見當世忠厚篤實廉耻之操足以咨諏而不疑草

創潤色文章之才足以付託而無負則在此位爲無以稱  
如臣不肖涉道未優初無犖犖過人之才徒有區區自守  
之善以至將順建明之大體則或踈闊淺陋而不知加以  
憂傷疾病又棄里閭辭命之習無廢積年龜勉一州已爲  
忝冒禁林之選豈所堪任伏惟 皇帝陛下躬聖德承  
緒於群臣賢不肖已知考慎而於言也又能虛己以聽之  
故聰明睿知神武之實已見於行事日月未久而天下翹  
首企踵以望唐虞成周之太平臣於此時實被收召所以  
許國義當如何敢不磨礪淬濯已衰之心紬繹溫尋又廢  
之孝上以備顧問之所及下以供職司之所守臣無任

賜衣帶等謝表

出大庭之顯服束以精鏐引內旣之名駒傳之錯采隆恩  
所逮朽質知榮中謝竊念臣弱力淺聞久憂積疚中與從  
官之選外分守將之權僅免譴呵更蒙收召論思潤色曾  
莫効於微勞衣被服乘乃前叨於異數此蓋伏遇 皇帝  
陛下醴於慶賞詳在招延因示眷懷使知奮勵誓竭愚忠  
之報冀無虛授之嫌臣無任

勅設謝表

職與論思恩加稟飫禮雖有舊寵實難當 中謝伏念臣本  
乏才稱中緣疾廢適從孤遠獲侍清光已忝禁林之戶重  
叨太官之賜蓋飲食有文王之雅實始憂勤顧來歸無吉  
甫之勞徒多燕喜敢忘自竭粗稱所蒙臣無任

新刊臨川王荊公先生文集卷之五十六終

